



Inatsisartunut Ilaasortaq  
Steen Lynge  
Demokraatit  
Inatsisartut Allattoqarfiat  
/Uani

## Illorsuit aamma Nuugaatsiaq pillugit § 37 naapertorlugu apeqqut 2018-212- imut akissut

31-08-2018  
Sags nr. 2018 - 17252

Asasara Steen Lynge

Box 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: asnnn@nanoq.gl  
www.nanoq.gl

Inatsisartut Suleriaasianni § 37 imm. 1 naapertorlugu apeqqutinut 27. august 2018-imi nassiussannut qujanaq. 17. juni 2017-imi ajunaarnersuaqarneranut atatillugu Illorsuarni Nuugaatsiamilu innuttaasut qimagussortinneqartut nalunaarsorneqarnerat pillugu apeqquteqarsimavutit. Apeqqutit uannut akeqquneqarsimapput.

Apeqqutit oqartussaasut attuumassuteqartut suleqatigalugit suliarineqarput. Apeqqutit ataasiakkaarlugit ataani uteqqinneqarput akineqarlutillu.

**Apeqqut 1. Pisortat qanoq Illorsuit-ni Nuugaatsiamilu innuttaasuusimasunik maanna sumi najugaqartinneqarnerannik nalunaarsuinikkut aqqiinuuppat?**

Apeqqut 1-imut akissut. Kommunini innuttaasut eqqorneqartut pillugit paasissutissat attuumassuteqartut tamaasa Avannaata Kommuniata aamma Kommune Qeqertaliup paarivai. Ajunaarnersuup kingorna kommunit taakku innuttaasunut pingaarnertut attaveqartuupput.

Naalakkersuisoqarfiit eqqorneqartut, matuma ataani Sillimaniarnermut Ataatsimiititaliap allattoqarfia Pinngortitamut Avatangiisinullu Naalakkersuisoqarfiup ataaniittoq, Isumaginninnermut Inatsisinillu Atuutsitsinnermut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik aamma Ineqarnermut Attaveqatigiinnermullu Naalakkersuisoqarfik, aamma assigiinngitsutigut innuttaasunut eqqorneqartunut attaveqartarsimapput. Attaveqarnek tamanna kommunit qanimut suleqatigilluinnarlugit pisarpoq. Tamatuma saniatigut suliaasaqarfiit akornanni ataqatigiissaarineq allattoqarfimmi aqutsisoqatigiit, Nunamut Namminermt Immikkoortortaqarfiup siulersuisuuffigisai ikiortigalugit qulakkeerneqarpoq.

**Apeqquut 2. Pisortat innuttaasut pineqartut pillugit - allamut kingusinnerusukkullu nuuttoqarsimatillugu - nalunaarsuineq ataavartumik nutartertarpaat?**

Apeqquut 2-mut akissut. Apeqquut 1-imut akissummut innersuussisoqarpoq.

**Apeqquut 3. Nunaqarfinit pingeqartuni innutaasuusimasut tamarmik saaffissamik ataatsimik saaffissaqarpat, paasissutissanik aallerfigisinnaasaminnik imaluuniit avitseqatigisinnaasaminnik?**

Apeqquut 3-mut akissut. Apeqquut 1-imut akissummut innersuussisoqarpoq.

**Apeqquut 4. Pineqartut pillugit pilersaarutit aammalu iliuusissat pillugit paasissutissat allagangorlugit tamatigut apuunneqartarpat?**

Apeqquut 4-mut akissut. Innuttaasut eqqorneqartut assigiinngitsorpassuartigut attavigineqartarput, matuma ataani allakkatigut, toqqarlugit ataatsimeeqatiginerisigut, oqarasuaatikkut sianerfiginerisigut, pisortatigoortumik tusagassiuutinut allagaqarnikkut aamma innuttaasunik ataatsimiisitsinikkut.

**Apeqquut 5. Allakkatigut paasissutissiineq atorneqanngippat imaluunniit ajornakusoorangata apuunnissaat, qanoq pineqartut ilisimatinneqartarpat?**

Apeqquut 5-imut akissut. Apeqquut 4-mut akissummut innersuussisoqarpoq.

**6. Paasissutissat inummut aaliangersimasumut tunniussassat oqaasiinnakkut apuussineq kisiat atorlugu pineqartunut ilisimatitsisoqarnikuaa?**

Apeqquut 5-imut akissut. Apeqquut 4-mut akissummut innersuussisoqarpoq.

Inussiarnersumik Inuulluaqqusillunga

  
Vittus Qujaukitsoq

Aatsitassanut, Suliffeqarnermut, Nunamut Namminermut  
Nunanilu Avannarlerni Suleqatigiinnermut Naalakkersuisoq